

0  
1cm 2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館

國立浙江大學  
圖書館

831414  
867

浙 江 圖 書 館

登記號 106002

杜詩選序



古今推詩壇宗主者莫不以青  
蓮少陵兩家並稱真家逸不羈  
令人讀過翩然凌雲想者  
或不然無益於青蓮以少雄  
壯沈厚之氣惟於少陵有歎

鍾也昔人有言不行萬里路  
不讀萬卷書不能作杜詩蓋  
少陵周行天下所見名山鉅  
川廣都大邑與夫民情土俗  
錯出而不倫者一繁蓄於  
胸中而又游情於墨冢史

氏之林世代興正賢愚輩出  
寓事傳言皆神留而忘息繹  
之故托筆命篇象心以流宜  
乎卓越千古哉至其悲憤激  
烈若有憂國憂民之念歎  
展而不得展者常與時局相

應也我

朝揚太史用修閱而批騰之

士致所關俱經枯出何一寓

目輒歎搔首問天是少陵之

神得詩以傳詩之神復得

用修以傳今試取其詩讀之

如三一少陵於前而親見其  
為悲為憤為激為烈者再  
取其評讀之於置一偶少  
陵之人於側而指點其孰為  
悲孰為憤孰為激孰為烈者  
千載情事恍然來我几席

云  
向矣余故不文敢認為之序

吳興散人文仲閣曠壁書

浙江圖書館



杜詩選目錄

卷一

遊龍門奉先寺

與李十二白同尋范十隱居

登兗州城樓

已上人茅齋

房兵曹胡馬

畫鷹

與任城許主簿遊南池

夜宴左氏莊

鄭駙馬宅宴洞中

浙江圖書館



重題鄭氏東亭

高都護駟馬行

同諸公登慈恩寺塔

玄都壇七言六韻寄元逸人

樂遊園歌

白絲行

陪鄭廣文遊何將軍山林三首

麗人行

重過何氏二首

漢陂行

浙城西陂泛舟

陪諸貴公子丈八溝攜妓納涼晚際遇雨二

首

送裴二虬作尉永嘉

秋雨歎

館

自京赴奉先縣詠懷五百字

奉先劉少府新畫山水障歌

天育驃騎歌

驄馬行

卷二

蘇端薛復筵簡薛華醉歌

哀王孫

曲江三章章五句

對雪

春望

一百五日夜對月

哀江頭

送孔巢父謝病歸遊江東兼呈李白

大雲寺贊公房二首  
喜達行在所三首

玉華宮

羌村

北征

臘日

奉和賈至舍人早朝大明宮

宣政殿退朝

紫宸殿退朝口號

晚出左掖

題省中壁

春宿左省

館

送翰林張司馬南海勒碑

曲江陪鄭八丈南史飲

曲江二首

曲江對酒

曲江值雨

初月

九日藍田崔氏莊

浙江圖

至日遣興奉寄北省舊閣老兩院故人二首

洗兵馬

新婚別

卷三

佳人

山寺

日暮

夢李白

後出塞五首



浙江圖書館

不見

秦州雜詩三首

寓目

月夜憶舍弟

前出塞九首

佐還山後寄

乾元中寓居同谷縣作歌七首

成都府

館

奉酬李都督表丈早春作

書

狂夫

圖

丈人山

西郊

王

和裴迪登蜀州東亭送客逢早梅相憶見寄

浙

漫成

卷四

寄杜位

送韓十四江東省覲

和裴廸登新津寺寄王侍郎

敬簡王明府

贈花卿

百憂集行

范二員外邈吳十侍御郁特枉駕闕展待聊

寄此作

陪李七司馬皂江上觀造竹橋卽日成往來

之人冬寒入水聊題短作簡李公



花鴨

野望

廣州段功曹到得楊五長史書功曹却歸聊

寄此詩

送段功曹歸廣州

三絕句

短歌行贈王郎司直

海棕行

野望

春日戲題惱郝使君兄

涪城縣香積寺官閣

絕句

九日

薄暮

王閬州筵奉酬十一舅惜別之作

有感

館愁坐

閬州歌

陪王使君晦日泛江就黃家亭子

滕王亭子

玉臺觀

渡江

江圖書

自閬州領妻子却赴蜀山行

將赴成都草堂途中有作先寄嚴鄭公二首

韋諷錄事宅觀曹將軍畫馬圖引

丹青引贈曹將軍霸

院中晚晴懷西郭茅舍

倦夜

宿府

奉觀嚴鄭公廳事岷山沱江畫圖十韻得忘

字

至後

觀李固請司馬弟山水圖

絕句二首

宴戎州楊使君東樓

放船

諸將二首

荆南兵馬使太常卿趙公大食刀歌

王兵馬使二角鷹

將曉

十二月一日三首

卷五

懷錦水居

子規

水閣朝霽奉簡雲安嚴明府

寄贈王十將軍承俊

八陣圖

白帝城最高樓

憶鄭南班

七月一日題終明府館樓

雨

黃草

洞房

宿昔

驪山

秋風

西閣雨望

夜

秋興八首

詠懷古跡五首

鸚鵡

小至

閣夜

送王十六判官

不離西閣

江雨有懷鄭典設

雨不絕

晝夢

卽事

卷六

五 圖 書 館

舍弟觀歸藍田迎新婦送示

返照

浙 夔州歌

見螢火

寄韓諫議註

魏將軍歌

日暮

月

館曉望

九日二首

暮歸

送李八秘書赴杜相公幕

簡吳郎司法

秋野

瞿唐兩崖

天池

雨

浙江圖

觀公孫大娘舞劍器行

白鳧行

西閣口號呈元二十

館

復陰

人日

江梅

書

大曆三年春白帝城放船出瞿唐峽久居夔

府將適江陵漂泊有詩凡四十韻

書堂飲既夜復邀李尚書下馬月下賦絕句

江南逢李龜年

南征



江漢

宴王使君宅題

移居公安山館

館

醉歌行贈公安顏少府請顧八題壁

北風

圖

曉發公安數月憇息此縣

幽人

纜船苦風戲題四韻奉簡鄭十三判官

登岳陽樓

陪裴使君登岳陽樓

宿青草湖

宿白沙驛

祠南夕望

歸鴈

野望

清明

衡州送李大夫七丈赴廣州

對雪

小寒食舟中作


浙江圖書館

揚曰或作天關非  
 章表臣詩話據舊  
 本作天關引史記  
 以管關天之語其  
 見章矣余按秋興  
 賦關天文之秘奧  
 注引陸賈新語楚  
 王作乾谿之臺關  
 天文粒精熟文選  
 用天關字正本此  
 况天文即象緯也  
 不但用其字亦用  
 其義矣天關雲卧  
 倒字法也言關天  
 則星河垂地卧雲  
 則空翠濕衣見山  
 中之殊于人境也

杜詩選卷一

遊龍門奉先寺

館



已從招提遊。更宿招提境。陰壑生靈籟。月林散  
 清影。天關象緯逼。雲臥衣裳冷。欲覺聞晨鐘。令  
 人發深省。

與李十二白同尋范十隱居

李侯有佳句。往往似陰鏗。余亦東蒙客。憐君如  
 弟兄。醉眠秋共被。攜手日同行。更想幽期處。還

揚曰鄭樵云天棘  
柳也杜撰欺人耳  
且柳言絲抵在弱

尋北郭生入門高興發侍立小童清落景聞寒  
杵屯雲對古城向來吟橘頌誰欲討尊羹不願  
論簪笏悠悠滄海情

○登兗州城樓

東郡趨庭日南樓縱目初浮雲連海岱平野入  
青徐孤嶂秦碑在荒城魯殿餘從來多古意臨  
眺獨躊躇

已上人茅齋

浙 圖 書 館

春若茶瓜留客江  
 蓮白羽之辰必是  
 深夏柳已老葉陰  
 濃不可言絲矣若  
 夫蔓云者可言无  
 絲王瓜不可言柳  
 天棘非柳明矣按  
 本草索隱云天門  
 冬在東嶽名滌羊  
 藿在南嶽名百部  
 在西嶽名管松在  
 北嶽名顛棘顛共  
 天聲相近而互名  
 也此解近之

已公茅屋下。可以賦新詩。枕簟入林僻。茶瓜留  
 客遲。江蓮搖白羽。天棘蔓青絲。空忝許詢輩。難

酬支遁詞。

○房兵曹胡馬

胡馬大宛名。鋒稜瘦骨成。竹批雙耳峻。風入四  
 蹄輕。所向無空濶。真堪託死生。驍騰有如此。萬  
 里可橫行。

○畫鷹

劉曰素練如霜謂  
未盡時絹色耳注  
誤  
荆曰側目向以碧  
眼言之

素練風霜起。蒼鷹畫作殊。音勇切  
攬身思狡兔。側目似  
愁胡。條鋏光堪摘。軒楹勢可呼。  
何當擊凡鳥。毛血洒平蕪。

○與任城許主簿遊南池

秋水通溝洫。城隅集小船。  
晚涼看洗馬。森木亂鳴蟬。  
菱熟經時雨。蒲荒八月天。  
晨朝降白露。遙憶舊青氊。

○夜宴左氏莊

浙

劉涇溪云是起興  
又曰景語間曠  
又曰豪縱自處結  
趣瀟灑

劉曰如此秦樓鄭  
谷亦是劉見

風林纖月落衣露淨琴張暗水流花逕春星帶  
草堂檢書燒燭短看劍引杯長詩罷聞吳詠扁  
舟意不忘

楊曰畫苑有風林識月圖此句真堪畫也

鄭駙馬宴洞中

圖

主家陰洞細煙霧畱客夏簟青琅玕春酒杯濃  
琥珀薄水漿椀碧瑪瑙寒悞疑茅堂過江麓已  
入風磴霾雲端自是秦樓壓鄭谷時聞雜佩聲  
珊珊

重題鄭氏東亭

華亭入翠微。秋日亂晴暉。崩石欹山樹。清漣曳  
水衣。紫鱗衝岸躍。蒼隼護巢歸。向晚尋征路。殘  
雲傍馬飛。

○高都護驄馬行

安西都護胡青驄。聲價欵然來向東。此馬臨陣  
久無敵。與人一心成大功。功成惠養隨所致。飄  
飄遠自流沙至。雄姿未受伏櫪恩。猛氣猶思戰



是又曰只如此語絕

場利腕促蹄高如踏鐵。交河幾蹴層冰裂。五花  
散作雲滿身。萬里方看汗流血。長安壯兒不敢  
騎。走過掣電傾城知。青絲絡頭為君老。何由却  
出橫門道。

○同諸公登慈恩寺塔

一作天

不自注時高遠薛據先  
有此作

高標跨蒼穹。烈風無時休。自非曠士懷。登茲翻  
百憂。方知象教力。足可追冥搜。仰穿龍蛇窟。始  
出枝撐幽。七星在北戶。河漢聲西流。羲和鞭白

劉曰秦姓察序木  
如此近是

日少昊行清秋。秦山忽破碎。涇渭不可求。俯視  
但一氣焉能辨。皇州迴首叫虞舜。蒼梧雲正愁。  
惜哉瑤池飲。日晏崑崙丘。黃鵠去不息。哀鳴何  
所投。君看隨陽鴈。各有稻粱謀。

○玄都壇七言六韻寄元逸人

公自注海中賀蘭揚  
長史楚辭中作

故人昔隱東蒙峰。已佩含景蒼精龍。故人今居  
子午谷。獨在陰崖結茅屋。屋前太古玄都壇。青  
石漠漠常風寒。子規夜啼山竹裂。王母晝下雲

旂翻知君此計誠長往芝草琅玕日應長鐵鑠  
高垂不可攀致身福地何蕭爽

樂遊園歌

樂遊古園翠森爽煙綿碧草萋萋長公子華筵  
勢最高秦川對酒平如掌長生木瓢示真率更  
調鞍馬狂歡賞青春波浪芙蓉園白日雷霆夾  
城仗間闔晴開一作映誅蕩蕩曲江翠幕排銀榜拂水  
低迴舞袖翻綠雲清切歌聲上却憶年年人醉

時只今未醉已先悲。數莖白髮那拋得。百罰深  
杯亦不辭。聖朝已知賤士醜。一物自荷皇天慈。  
此身飲罷無歸處。獨立蒼茫自詠詩。

○ 白絲行

縹絲須長不須白。越羅蜀錦金粟尺。象牀玉手  
亂殷紅。萬草千花動凝碧。已悲素質隨時染。裂  
下鳴機色相射。美人細意熨帖平。裁縫滅盡針  
線跡。春天衣着爲君舞。峽蝶飛來黃鸝語。落絮

蜀曰使自流動

劉曰謂引江作池  
破石作洞也

遊絲亦有情。隨風照日宜。輕舉香汗清。塵汚顏  
色開。新合故置何許。君不見才士汲引難。恐懼  
棄捐忍羈旅。

陪鄭廣文遊何將軍山林三首

不識南塘路。今知第五橋。名園依綠水。野竹上  
青霄。谷口舊相得。濠梁同兄招。平生為幽興。未  
惜馬蹄遙。

其二

楊曰用字誤舊本  
是却字  
劉曰五字足以狀  
其好事而貧亦可  
見以客故貧

劉曰言外之具世  
多

剩水滄江破。殘山碣石開。綠垂風折笋。紅綻雨  
肥梅。銀甲彈箏用。金魚換酒來。興移無灑掃。隨  
意坐莓苔。

其三

床上書連屋。階前樹拂雲。將軍不好武。稚子總  
能文。醒酒微風入。聽詩靜夜分。絺衣挂蘿薜。涼  
月白紛紛。

麗人行

劉曰三四語便爾  
親切羨身親見之  
自與想像次弟不  
同此之兩當識也

又曰樂府賦

又曰畫出次第宛  
然揚花青鳥兩語  
極當時權造如雲

三月三日天氣新。長安水邊多麗人。態濃意遠  
淑且真。肌理細膩骨肉勻。繡羅衣裳照暮春。蹙  
金孔雀銀麒麟。頭上何所有。翠爲鬋。葉垂鬢。脣  
背後何所見。珠壓腰。袂穩稱身。就中雲幕椒房  
親。賜名大國號。與秦紫駝之峰出。翠釜水精之  
盤行。素鱗犀筋厭。飫久未下鑿。刀縷切空紛。綸  
黃門飛鞞不動塵。御厨絡繹送八珍。簫鼓哀吟  
感鬼神。賓從雜遝實要津。後來鞍馬何逡巡。當

衝拂開合倚兩騎  
捷之感作者之意  
自不死人人通曉  
也

楊曰薰風暖茗時  
今本作春風此  
詩十首皆一時作  
其曰千章夏木清  
又曰紅後雨肥梅  
皆是夏景可證

楊曰綠沉乃畫工  
色名鄴中記云石  
虎造象牙桃枝扇  
或綠沉色或木雞  
色或紫緋色或鬱

軒下馬入錦茵楊花雪落覆白蘋青鳥飛去衝  
紅巾炙手可熱勢絕倫慎莫近前丞相嗔

○重過何氏二首

落日平臺上春風暖茗時石欄斜點筆桐葉坐  
題詩翡翠鳴衣桁蜻蜓立釣絲自今幽興熟來  
往亦無期

○其二

頗怪朝叅懶應耽野趣長雨拋金鎖甲苔臥綠



金色王羲之筆徑  
 有人以綠沉漆管  
 見遺南史梁武帝  
 西園食錄沉瓜是  
 綠沉即西瓜皮也  
 也梁簡文詩吳戈  
 夏服箭驥馬綠沉  
 弓虞世南詩綠沉  
 明月弦劉郁趙都  
 藏琴有黃閣綠沉  
 楊巨源詩吟詩白  
 羽扇枝獵綠沉鎗  
 與杜少陵之句同  
 皆謂以綠沉色為  
 漆飾鎗柄耳

劉曰寫景入微煙  
 波遠近表態具足

沉槍手自移蒲柳家纔足稻梁看君用幽意白  
 日到羲皇

漢陂行

岑參兄弟皆好奇携我遠來游漢陂天地豔慘

忽異色波濤萬頃堆琉璃琉璃汗漫泛舟入事

殊典極憂思集鼉作鯨吞不復知惡風白浪何

嗟及主人錦帆相為開舟子喜甚無氛埃鳧鷖

散亂棹謳發絲管啁啾空翠來沉竿續蔓深莫

杜詩選卷一

又曰慘淡之容幻  
測之思

又曰尋常賦樂事  
則徑歷駭怪者  
置不復道吾嘗游  
西湖遇風雨誦此  
如同舟同時

測菱葉荷花靜如拭。宛在中流渤澥清。下歸無  
極終南黑。半陂已南純浸山。動影裊窈冲融間。  
船舷暝戛雲際寺。水面月出藍田關。此時驪龍  
亦吐珠。馮夷擊鼓羣龍趨。湘妃漢女出歌舞。金  
支翠旂光有無。咫尺但愁雷雨至。蒼茫不曉神  
靈意。少壯幾時奈老何。向來哀樂何其多。

城西陂泛舟

浙

青蛾皓齒在樓船。橫笛短簫悲遠天。春風自信

揚曰先師李友正  
先生云杜詩一字  
不苟下如雀人雪  
藕絲自家語以梨  
雪挑之句來千家  
注殊不能盡也

牙檣動遲日徐看錦纜牽魚吹細浪搖歌扇燕  
蹴飛花落舞筵不有小舟能盪漿百壺那送酒  
如泉

○陪諸貴公子丈人溝携妓納涼晚際遇雨

二首

落日放船好輕風生浪遲竹深畱客處荷淨納  
涼時公子調冰水佳人雪藕絲片雲頭上黑應  
是雨催詩

楊曰舊疑此二句似復後見方虛谷詩話云詩意謂舟中有南妓北妓南妓慣於舟楫止濕紅裙而北妓畏水故翠黛愁也

其二

雨來霑席上。風急打船頭。越女紅裙濕。燕姬翠黛愁。纜侵堤柳繫。幔卷浪花浮。歸路翻蕭颯。陂塘五月秋。

送裴二虬作尉永嘉

孤嶼亭何處。天涯水氣中。故人官就此。絕境與誰同。隱吏逢梅福。遊山憶謝公。扁舟吾已就。把釣待秋風。

揚曰趙與時曰關  
珊之風沉伏之雨  
言其久也此說得  
之王安石謂伏當  
作仗此強顏無藉  
之說也狠直有遂  
如此焉得不行新  
法壞國家乎

秋雨歎

關風伏雨秋紛紛。四海人荒同一雲。去馬來牛  
不復辨。濁涇清渭何當分。禾頭生耳黍穗黑。農  
夫田父無消息。城中斗米換衾裯。相許寧論兩  
相直。

自京赴奉先縣詠懷五百字

杜陵有布衣。老大意轉拙。許身一何愚。竊比稷  
與契。居然成濩落。白首甘契濶。蓋棺事則已。此

志常覬豁窮年憂黎元嘆息腸內熱取笑同學  
翁浩歌彌激烈非無江海志瀟洒送日月生逢  
堯舜君不忍便永訣當今廊廟具構厦豈云缺  
葵藿傾太陽物性固莫奪顧惟螻蟻輩但自求  
其穴胡爲慕大鯨輒擬偃溟渤以茲悟生理獨  
恥事干謁兀兀遂至今忍爲塵埃沒終愧巢與  
由未能易其節沉飲聊自遣放歌頗愁絕歲暮  
百草零疾風高岡裂天衢陰崢嶸客子中夜發

劉曰雜見風味

霜嚴衣帶斷。指直不得結。凌晨過驪山。御榻在  
嵒嶮。蚩尤塞寒空。蹴踏崖谷滑。瑤池氣鬱律。羽  
林相摩戛。君臣畱歡娛。樂動殷膠葛。賜浴皆長  
纓。與宴非短褐。彤庭所分帛。本自寒女出。鞭撻  
其夫家。聚斂貢城闕。聖人篋篋恩。實欲邦國活。  
臣如忽至理。君豈棄此物。多士盈朝廷。仁者宜  
戰慄。况聞內金盤。盡在衛霍室。中堂有神仙。煙  
霧蒙玉質。煖客貂鼠裘。悲管逐清瑟。勸客駝蹄

美。霜。橙。壓。香。橘。朱。門。酒。肉。臭。路。有。凍。死。骨。榮。枯。  
咫。尺。異。惆。悵。難。再。述。北。轅。就。涇。渭。官。渡。又。改。轍。  
群。水。從。西。下。極。目。翠。兀。疑。是。崆。峒。來。恐。觴。天。  
柱。折。河。梁。幸。未。圯。枝。撐。聲。窸。窣。行。旅。相。攀。援。川。  
廣。不。可。越。老。妻。旣。異。縣。十。口。隔。風。雪。誰。能。久。不。  
顧。庶。往。共。飢。渴。入。門。聞。號。咷。幼。子。飢。已。卒。吾。寧。  
捨。一。哀。里。巷。亦。嗚。咽。所。愧。爲。人。父。無。食。致。夭。折。  
豈。知。秋。禾。登。貧。窶。有。倉。卒。生。常。免。租。稅。名。不。隸。



易曰用走時字入  
詩而愈覺奇古者  
雅公獨也

征伐撫迹猶酸辛。平人固騷屑。默思失業徒。因  
念遠戍卒。憂端齊終南。頽洞不可撥。

○奉先劉少府新畫山水障歌

堂土不合生楓樹。怪底江山起煙霧。聞君掃却  
赤縣圖。乘興遣畫滄洲趣。畫師亦無數。好手不  
可遇。對此融心神。知君重毫素。豈但祁岳與鄭  
虔。筆跡遠過楊契丹。得非玄圃裂。無乃瀟湘翻。  
悄然坐我天姥下。耳邊已似聞清猿。反思前夜

劉白情景玄淡活  
脫自在

風雨急。乃是蒲城鬼神入。元氣淋漓障猶濕。眞  
宰上訴天應泣。野亭春還雜花遠。漁翁暝踏孤  
舟立。滄浪水深青溟濶。欹岸側島秋毫末。不見  
湘妃鼓瑟時。至今斑竹臨江活。劉侯天機精。愛  
畫入骨髓。自有兩兒郎。揮灑亦莫比。大兒聰明  
到。能添老樹巔崖裏。小兒心孔開。貌得山僧及  
童子。若耶溪雲門寺。吾獨胡爲在泥滓。青鞋布  
襪從此始。

劉曰便有珠齒

# 天育驃騎歌

吾聞天子之馬走千里。今之畫圖無乃是。是何  
意態雄且傑。駿尾蕭梢風起。毛爲綠縹兩耳  
黃。眼有紫焰雙瞳方。矯矯龍性合變化。卓立天  
骨森開張。伊昔太僕張景順。考牧攻駒閱清峻。  
遂令大奴字天育。別養驥子憐神俊。當時四十  
萬匹馬。張公歎其材。盡下故獨寫真傳。世人見  
之座右久更新。年多物化空形影。嗚呼徒步無

由騁。如今豈無驥。衰與驂。躡時無王良。伯樂死  
卽休。

### 驄馬行

公自注云。太常良卿勅賜馬也。  
李鄧公凌而補之。舍甫製詩。

鄧公馬癖人共知。初得花驄大宛種。夙昔傳聞  
思一見。牽來左右神。皆竦雄姿逸。態何嶮。崢嶸  
影。驕嘶自矜寵。隅目青熒夾鏡懸。肉駿礧礧連  
錢動。朝來少試華軒下。未覺千金滿高價。赤汗  
微生白雪毛。銀鞍却覆香羅帕。卿家舊物公能

取天廡真龍此其亞。晝洗須騰涇渭深。夕趨可  
刷幽并夜。吾聞良驥老始成。此馬數年人更驚。  
豈有四蹄疾於鳥。不與八駿俱先鳴。時俗造次  
那得致。雲霧晦冥方降精。近聞下詔喧都邑。肯  
使麒麟地上行。

浙江圖書館



浙江圖書館

杜詩選卷二

蘇端薛復筵簡薛華醉歌

文章有神交有道端復得之名譽早愛客滿堂

一作翰

盡豪傑開筵上日思芳草安得健步移遠梅亂

插繁花向晴昊千里猶殘舊冰雪百壺且試開

懷抱垂老惡聞戰鼓悲急觴為緩憂心擣少年

努力縱談笑看我形容已枯槁座中薛華善醉

歌歌辭自作風格老近來海內為長句汝與東

揚曰樂史李太白詩序云太白遊山

水每以聲妓自隨  
慕謝安之風自號  
東山李白社詩云  
汝與東山李白好  
是也今之人妄改  
倒其字故特正之

楊曰太平廣記云  
梁侯景之亂有白  
頭烏數千入建業  
童謠云曰頭烏拂  
朱雀還與吳子美

山李白好何劉沈謝力未工才兼鮑照愁絕倒  
諸生頗盡新知樂萬事終傷不自保氣酣日落  
西風來願吹野水添金杯如澆之酒常快意亦  
知窮愁安在哉忽憶雨時秋井塌古人白骨生  
青苔如何不飲令心哀

哀王孫

長安城頭頭白烏夜飛延秋門上呼又向人家  
啄大屋屋底達官走避胡金鞭斷折九馬死骨



正用此事而注不知引

劉曰忠臣之蓋心倉卒之隱語極情態

肉不待同馳驅。腰下寶玦青珊瑚。可憐王孫泣  
路隅。問之不肯道姓名。但道困苦乞爲奴。已經  
百日竄荆棘。身上無有完肌膚。高帝子孫盡隆  
隼。龍種自與常人殊。豺狼在邑龍在野。王孫善  
保千金軀。不敢長語臨交衢。且爲王孫立斯須。  
昨夜春風吹血腥。東來橐駝滿舊都。朔方健兒  
好身手。昔何勇銳今何愚。竊聞太子已傳位。聖  
德北服南單于。花門剺面請雪恥。慎勿出口他

人狙哀哉王孫慎勿疎五陵佳氣無時無

曲江三章章五句

曲江蕭條秋氣高菱荷枯折隨風濤遊子空嗟  
垂二毛白石素沙亦相蕩哀鴻獨叫求其曹

其二

卽事非今亦非古長歌激越梢林莽比屋豪華  
固難數吾人其作心似灰弟姪何傷淚如雨

其三

劉曰謂聞此歌也

劉曰雄豪放蕩

劉曰一字後態

自斷此生休問天。杜曲幸有桑麻田。故將移住  
南山邊。短衣匹馬隨李廣。看射猛虎終殘年。

對雪

戰哭多新鬼。愁吟獨老翁。亂雲低薄暮。急雪舞  
回風。瓢棄樽無綠。爐存火似紅。數州消息斷。愁  
坐正書空。

春望

國破山河在。城春草木深。感時花濺淚。恨別鳥

不及此

劉曰語貴不犯  
又曰怨而不傷

驚心烽火連三月家書抵萬金  
白頭搔更短渾欲不勝簪

一百五日夜對月

無家對寒食有淚如金波  
斫却月中桂清光應更多  
此離放紅藥想像嚙青蛾  
牛女漫愁思秋期猶渡河

揚曰少陵月詩幾三十首余取此為魁  
以其律而有古意奇崛清雋無不兼之

哀江頭

少陵野老吞聲哭春日潛行曲江曲  
江頭宮殿

浙江圖書館

揚曰黃山谷注作  
一發蓋用賈大夫  
妻射雉事也

鎖千門細柳新蒲爲誰綠憶昔霓旌下南苑苑  
中萬物生顏色昭陽殿裏第一人同輦隨君侍  
君側輦前才人帶弓箭白馬嚼齧黃金勒翻身  
向天仰射雲一箭正墮雙飛翼明眸皓齒今何  
在血污遊魂歸不得清渭東流劔閣深去住彼  
此無消息人生有情淚沾臆江水江花豈終極  
黃昏胡騎塵滿城欲往城南忘城北

○送孔巢父謝病歸遊江東兼呈李白

揚曰魯少岷云子  
美此詩特以呈李  
白乃匠傍觀不容  
信口也

巢父掉頭不肯住東將入海隨煙霧詩卷長畱  
天地間釣竿欲拂珊瑚樹深山大澤龍蛇遠春  
寒野陰風景暮蓬萊織女回雲車指點虛無引  
歸路自是君身有仙骨世人那得知其故惜君  
只欲苦死畱富貴何如草頭露蔡侯靜者意有  
餘清夜置酒臨前除罷琴惆悵月照席幾歲寄  
我空中書南尋禹穴見李白道甫問信今何如

大雲寺贊公房二首

燈影照無睡。心清聞妙香。夜深殿突兀。風動金  
琅璫。天黑閉春院。地清棲暗芳。玉繩回斷絕。鐵  
鳳森翱翔。梵放時出寺。鐘殘仍殷牀。明朝在沃  
野。苦見塵沙黃。

其二

心在水精域。衣霑春雨時。洞門盡徐步。深院果  
幽期。到扉開復閉。撞鐘齊及茲。醍醐長發性。飲  
食過扶衰。把臂有多日。開懷無愧辭。黃鸝度結

楊曰內典云龍樹  
出家獨處水精房  
中六龍開七寶函  
與諸方等經  
劉曰果如酥願與  
愜幽期同但果字  
痛快

又曰隨意下字自  
論一時

劉曰荒村岐路之  
間望樹而往並山  
曲折或是其情或  
見其面非身歷顛  
沛不知其言之工  
也

劉曰間道五字可  
傷即旦暮人耳暫

構紫鴿下罌。愚意會所適。花邊行自遲。湯休  
起我病。微笑索題詩。

喜達行在所三首

西憶岐陽信。無人遂却迴。眼穿當落日。心死著  
寒灰。霧樹行相引。蓮峰望或開。所親驚老瘦。辛  
苦賊中來。

其二

愁思胡笳夕。淒涼漢苑春。生還今日事。間道輶

浙江圖書館



時更警  
又曰此豈隨人憂  
樂語

劉曰獨行中路問  
閑憂患累百言不  
自慰者一見垂淚

劉曰起語淒黯請  
者殆難為情

時人司隸章初覩南陽氣已新喜心翻倒極嗚咽淚沾巾

其三

劉云只影靜心蘇字每日跋涉擾之危不自保皆可想見而此喜亦未易自言他人無此苦有此苦無此言

死去憑誰報歸來始自憐猶瞻太白雪喜遇武功天影靜千官裏心蘇七校前今朝漢社稷新數中興年

玉華宮

溪回松風長蒼鼠竄古瓦不知何王殿遺構絕

又曰哀思苦語轉  
換簡遠有長篇餘  
韻末更自傷非意  
所及

劉曰當時遠然  
載之淚常在人目  
詩三百不多見也

壁下陰房鬼火青。壞道哀湍瀉萬籟。真笙竽秋  
色正。瀟灑美人爲黃土。况乃粉黛假當時。侍金  
輿。故物獨石馬。憂來籍草坐。浩歌淚盈把。冉冉  
征途間。誰是長年者。

羌村

崢嶸赤雲西。日脚下平地。紫門烏雀噪。歸客千  
里至。妻孥怪我在。驚定還拭淚。世亂遭飄蕩。生  
還偶然遂。隣人滿墻頭。感歎亦歔歔。夜闌更秉

更字

燭相對如夢寐

北征

館

皇帝二載秋。閏八月初吉。杜子將北征。蒼茫間  
家室。維時遭艱虞。朝野少暇日。顧慙恩私被。詔  
許歸蓬蓽。拜辭詣闕下。休惕久未出。雖乏諫諍  
姿。恐君有遺失。君誠中興主。經緯固密勿。東胡  
反未已。臣甫憤所切。揮涕戀行在。道途猶恍惚。  
乾坤含瘡痍。憂虞何時畢。靡靡踰阡陌。人煙眇

蕭瑟。所遇多被傷。呻吟更流血。回首鳳翔縣。旌  
旗晚明滅。前登寒山重。屢得飲馬窟。邠郊入地  
底。涇水中蕩滴。猛虎立我前。蒼崖吼時裂。菊垂  
今秋花。石戴古車轍。青雲動高興。幽事亦可悅。  
山果多瑣細。羅生雜橡栗。或紅如丹砂。或黑如  
點漆。雨露之所濡。甘苦齊結實。緬思桃源內。益  
歎身世拙。坡陀望鄜畤。谷巖互出沒。我行已水  
濱。我僕猶木末。鴟鳥鳴黃桑。野鼠拱亂穴。夜深

經戰場寒月照白骨。潼關百萬師往者散何卒。  
遂令半秦民殘害爲異物。况我墮胡塵及歸盡。  
華髮經年至茅屋。妻子衣百結。慟哭松聲迴悲  
泉共幽咽。平生所驕兒。顏色白勝雪。見耶背面  
啼。垢膩脚不韈。牀前兩小女。補綻纒繞過膝。海圖  
坼波濤。舊繡移曲折。天吳及紫鳳。顛倒在裋褐。  
老夫情懷惡。嘔泄臥數日。那無囊中帛。救汝寒  
凜慄。粉黛亦解包。衾裯稍羅列。瘦妻面復光。癡

劉曰此征精神全  
得一段西意

女頭自櫛學母無不爲曉粧隨手抹移時施朱  
鈿狼藉畫眉潤生還對童稚似欲忘飢渴問事  
競挽鬚誰能卽嗔喝翻思在賊愁甘受雜亂聒  
新歸且慰意生理焉得說至尊尚蒙塵幾日休  
練卒仰看天色改旁覺妖氛豁陰風西北來慘  
澹隨回紇其王願助順其俗喜馳突送兵五千  
人驅馬一萬匹此輩少爲貴四方服勇決所用  
皆鷹騰破敵過箭疾聖心頗虛佇時議氣欲奪

伊洛指掌收。西京不足拔。官軍請深入。蓄銳伺  
俱發。此舉開青徐。旋瞻略恒碣。昊天積霜露。正  
氣有肅殺。禍轉亡胡歲。勢成擒胡月。胡命其能  
久。皇綱未宜絕。憶昨狼狽初。事與古先別。姦臣  
競。菹醢同。惡隨蕩折。不聞夏殷衰。中自誅褒姒。  
周漢獲再興。宣光果明哲。桓桓陳將軍。仗鉞奮  
忠烈。微爾人盡非。于今國猶活。淒涼大同殿。寂  
寞白獸闥。都人望翠華。佳氣回金闕。園陵固有

數  
劉曰小兒語大家

神埽灑數不闕煌煌太宗業樹立甚宏達

○臘日

臘日常年煖尚遙今年臘日凍全消  
浸陵雪色還萱草漏洩春光有柳條  
縱酒欲謀良夜醉還家初散紫宸朝  
口脂面藥隨恩澤翠管銀罌下九霄

○奉和賈至舍人早朝大明宮

公自注舍人先世掌絲綸

五夜漏聲催曉箭九重春色醉仙桃  
旌旗日暖

江圖書館



揚曰早朝四詩何  
神聖薛君采皆取  
王維為第一

龍蛇動。宮殿風微。燕雀高朝。罷香煙。攜滿袖。詩  
成珠玉在揮毫。欲知世掌絲綸美。池上于今有  
鳳毛。

○宣政殿退朝

書圖

天門日射黃金榜。春殿晴曛赤羽旗。宮草霏霏  
承委佩。爐煙細細駐遊絲。雲近蓬萊常五色。雪  
殘鳩鵲亦多時。侍臣緩步歸青瑣。退食從容出  
每遲。

○紫宸殿退朝口號

戶外昭容紫袖垂。雙瞻御座引朝儀。香飄合殿  
春風轉。花覆千官淑景移。晝漏稀聞高閣報。天  
顏有喜近臣知。宮中每出歸東省。會送夔龍集  
鳳池。

○晚出左掖

晝刻傳呼淺春旂。簇仗齊退朝花底散。歸院柳  
邊迷。樓雪融城濕。宮雲去殿底。避人焚諫草。騎

劉曰焚諫草不欲  
人知也使人知其  
焚是猶欲人知也  
焚亦避人改點破

古事無限題款

劉曰老健有情此  
非桂旂日暖宮殿  
風微兩句此

劉曰與風連西極  
動相近星動較奇

馬欲雞栖

○題省中壁

掖垣竹埤梧十尋洞門對雪常陰陰落花遊絲  
白日靜鳴鳩乳鷺青春深腐儒衰晚謬通籍退  
食遲回違寸心衮職曾無一字補許身愧比雙  
南金

○春宿左省

花隱掖垣暮啾啾棲鳥過星臨萬戶動月傍九

浙江圖書館

劉曰大休  
又曰語壯而陰  
又曰驛程旅館又  
喜又悲  
又曰慶之望之祝  
之願之

霄多不寢聽金鑰因風想王珂明朝有封事數  
問夜如何

送翰林張司馬南海勒碑

公自任相國製文

冠冕通南極文章落上台詔從三殿去碑到百  
蠻開野館濃花發春帆細雨來不知滄海上天  
遣幾時廻

曲江陪鄭八丈南史飲

雀啄江頭楊柳花鷓鴣鷓鴣滿晴沙自知白髮

劉曰鐘情語  
又曰小縱從墨最  
是傾倒律詩不甚  
縛律者

非春事且盡芳樽戀物華近侍即今難浪跡此  
身那得更無家丈人才力猶強健豈傍青門學  
種瓜

○曲江二首

一片花飛滅却春風飄萬點正愁人且看欲盡  
花經眼莫厭傷多酒入脣江上小堂巢翡翠花  
邊高塚臥麒麟細推物理須行樂何用浮名絆  
此身

書

圖

劉曰落落酬暢如  
不經意而首尾圓  
活生意自然有不  
可名言之妙

劉曰四句亦自恣  
肆

其二

朝回日日典春衣。每日江頭盡醉歸。  
酒債尋常行處有。人生七十古來稀。  
穿花蛺蝶深深見。點水蜻蜓款款飛。  
傳語風光共流轉。暫時相賞莫相違。

曲江對酒

苑外江頭坐不歸。水精春殿轉霏微。  
桃花細逐楊花落。黃鳥時兼白鳥飛。  
縱飲久拚人共棄。懶

江圖書

朝真與世相違。吏情更覺滄洲遠。老大悲傷未  
拂衣。

○曲江值雨

城上春雲覆苑牆。江亭晚色靜年芳。林花着雨  
燕支落。水荇牽風翠帶長。龍武新軍深駐輦。芙  
蓉別殿謾焚香。何時詔此金錢會。暫醉佳人錦  
瑟傍。

○初月

劉曰此詩經誠  
說盡舊曾手寫  
作好把便覺情  
甚遠因贊其妙

光細弦欲上影斜輪未安  
微升古塞外已隱暮  
雲端河漢不改色關山  
空自寒庭前有白露暗  
滿菊花團

○九日藍田崔氏莊

老去悲秋強自寬興來今日盡君歡  
羞將短髮還吹帽笑倩傍人爲正冠  
藍水遠從千澗落玉  
山高並兩峰寒明年此會知誰健  
醉把茱萸子  
細看



○ 至日遣興奉寄北省舊閣老兩院故人二

首

去歲茲辰捧御床。五更三點入鵷行。欲知趨走  
傷心地。正想氤氳滿眼香。無路從容陪語笑。有  
時顛倒著衣裳。何人錯憶窮愁日。愁日愁隨一  
線長。

○ 其二

憶昨逍遙供奉班。去年今日侍龍顏。麒麟不動

爐煙上孔雀徐開扇影還玉几由來天北極朱  
衣只在殿中間孤城此日堪腸斷愁對寒雲雪  
滿山

洗兵馬

公有注收涼後作

中興諸將收山東捷書夜報清晝同河廣傳聞

一葦過胡危命在破竹中祗殘鄴城不日得獨

任朔方無限功京師皆騎汗血馬回紇餒肉蒲

萄宮已喜皇威清海岱常思仙仗過崆峒三年

劉曰鶴駕二句不  
如青春二句有氣  
象有風韻

又曰事外句外常  
有餘情

笛裏關山月萬國兵前草木風成王功大心轉  
小郭相謀深古來少司徒清鑒懸明鏡尚書氣  
與秋天杳二三豪俊爲時出整頓乾坤濟時了  
東走無復憶鱸魚南飛覺有安巢鳥青春復隨  
冠冕入紫禁正耐爐花繞鶴駕通宵鳳輦備鷄  
鳴問寢龍樓曉攀龍附鳳勢莫當天下盡化爲  
侯王汝等豈知蒙帝力時來不得誇身強關中  
旣畱蕭丞相幕下復用張子房張公一生江海

又曰每有風韻

又曰此詩對律甚嚴而森密醞藉

客身長九尺。鬚眉蒼。微起適遇風雲會。扶顛始  
知籌策良。青袍白馬更何有。後漢今周喜再昌。  
寸地尺天皆入貢。奇祥異瑞爭來送。不知何國  
致白環。復道諸山得銀甕。隱士休歌紫芝曲。詞  
人解撰河清頌。田家望望惜雨乾。布穀處處催  
春種。淇上健兒歸莫懶。城南思婦愁多夢。安得  
壯士挽天河。淨洗甲兵長不用。

不見

不見李生久。佯狂真可哀。世人皆欲殺。吾意獨  
憐才。敏捷詩千首。飄零酒一杯。匡山讀書處。頭  
白好歸來。

新婚別

兔絲附蓬麻。引蔓故不長。嫁女與征夫。不知棄  
路傍。結髮爲君妻。席不暖君牀。暮婚晨告別。無  
乃太匆忙。君行雖不遠。守邊赴河陽。妾身未分  
明。何以拜姑嫜。父母養我時。日夜令我藏。生女

劉云曲折詳至徒  
後九七轉微顯餘  
達

有所歸。雞狗亦得將。君今死生地。沉痛迫中腸。  
誓欲隨君往。形勢反蒼黃。勿爲新婚念。努力事  
戎行。婦人在軍中。兵氣恐不揚。自嗟貧家女。久  
致羅縠裳。羅縠不復施。對君洗紅粧。仰視百鳥  
飛。大小必雙翔。人事多錯迕。與君永相望。

浙江

杜詩選卷三

○佳人

館

劉曰間中冷語無不可感

又曰似悲似訴自言自誓矜持慷慨修潔端麗畫所不能論所不能及

絕代有佳人。幽居在空谷。自云良家子。零落依  
草木。關中昔喪亂。兄弟遭殺戮。官高何足論。不  
得收骨肉。世情惡衰歇。萬事隨轉燭。夫婿輕薄  
兒。新人美如玉。合昏尚知時。鴛鴦不獨宿。但見  
新人笑。那聞舊人哭。在山泉水清。出山泉水濁。  
侍婢賣珠迴。牽蘿補茅屋。摘花不插髮。采柏動

盈掬。天寒翠袖薄。日暮倚修竹。

秦州雜詩三首

滿目悲生事。因人作遠遊。遲迴度隴怯。浩蕩及  
關愁。水落魚龍夜。山空鳥鼠秋。西征問烽火。心  
折此淹留。

其二

秦州城北寺。傳是隗囂宮。苔蘚山門古。丹青野  
殿空。月明垂葉露。雲逐度溪風。清渭無情極。愁



時獨向東。

其三

莽莽萬重山。孤城山谷間。無風雲出塞。不夜月  
臨關。屬國歸何晚。樓闌斬未還。煙城一長望。衰  
颯正摧顏。

○山寺

野寺殘僧少。山園細路高。麝香眠石竹。鸚鵡啄  
金桃。亂水通人過。懸崖置屋牢。上方垂閣晚。百

劉曰妙處舉目得

楊曰亂水對懸崖  
極工而人不覺

劉曰二物皆遠致  
今溢于中國常日  
明然至羌女胡兒  
矣

里見織毫。

寓目

一縣蒲萄熟。秋山苜蓿多。關雲常帶雨。塞水不  
成河。羌女輕烽燧。胡兒制駱駝。自傷遲暮眼。喪  
亂飽經過。

日暮

日落風亦起。城頭烏尾訛。黃雲高未動。白水已  
揚波。羌婦語還哭。胡兒行且歌。將軍別上馬。夜

出擁彫戈

○月夜憶舍弟

館

戍鼓斷人行。秋邊一鴈聲。  
露從今夜白。月是故鄉明。  
有弟皆分散。無家問死生。  
寄書常不達。况乃未休兵。

劉曰淺淺語使人愁

○夢李白

死別已吞聲。生別長惻惻。  
江南瘴癘地。逐客無消息。  
故人入我夢。明我長相憶。  
恐非平生寤。路

楊曰此二句妙絕古今矣原其始漫江淹別賦明月白露一句四字翻作十字而精神如此

楊曰言夢中見之而覺其猶在即既謂夢中竟魄猶言是覺後精神尚未回也詩本淺宋人

省得太深反悔矣  
傳神之說非是

遠不可測魂來楓林青  
魂返關塞黑今君在羅  
網何以有羽翼落月滿  
屋梁猶疑照顏色水深  
波浪濶無使蛟龍得

前出塞九首

戚戚去故里悠悠赴交河  
公家有程期亡命嬰禍  
羅君已富土境開邊一  
何多棄絕父母恩吞  
聲行負戈

其二

浙

江

圖

書

館

劉曰如親歷甘苦  
極犯行孤往之意

出門日已遠。不受徒旅欺。骨肉恩豈斷。男兒死  
無時。走馬脫轡頭。手中挑青絲。捷下萬仞岡。俯  
身試拳旂。

其三

磨刀鳴咽水。水赤刃傷手。欲輕腸斷聲。心緒錯  
已久。丈夫誓許國。憤惋復何有。功名圖麒麟。戰  
骨當速朽。

其四

劉曰眼前語意中  
事通遠自別  
又曰市極哀怨之  
休所以可傳

送徒既有長遠戍亦有身生死向前去不勞吏  
怒嗔路逢相識人附書與六親哀哉兩決絕不  
復同苦辛

其五

迢迢萬里餘領我赴三軍軍中異苦樂主將寧  
盡聞隔河見胡騎倏忽數百群我始為奴僕幾  
時樹功勳

其六

劉曰用諺語或自作諺語皆可

又曰此其自負經濟者軍中常有此

劉曰作者緩急有別

挽弓當挽疆。用箭當用長。射人先射馬。擒賊先擒王。殺人亦有限。立國自有疆。苟能制侵陵。豈在多殺傷。

其七

驅馬天雨雪。軍行入高山。逕危抱寒石。指落層冰間。已去漢月遠。何時築城還。浮雲暮南征。可望不可攀。

其八

劉曰千載不死墮  
淚未乾

單于寇我壘。百里風塵昏。雄劍四五動。彼軍爲  
我奔。虜其名王歸。繫頸授轅門。潛身備行列。一  
勝何足論。

其九

從軍十年餘。能無分寸功。衆人貴苟得。欲語羞  
雷同。中原有鬪爭。况在狄與戎。丈夫四方志。安  
可辭固窮。

後出塞五首

浙

書

館



男兒生世間。及壯當封侯。戰代有功業。焉能守  
舊丘。召募赴薊門。軍動不可留。千金買馬鞍。百  
金裝刀頭。閭里送我行。親戚擁道周。斑白居上  
列。酒醕進庶羞。少年別有贈。含笑看吳鉤。

其二

朝進東門營。暮上河陽橋。落日照大旂。馬鳴風  
蕭蕭。平沙列萬幕。部伍各見招。中天懸明月。令  
嚴夜寂寥。悲笳數聲動。壯士慘不驕。借問大將

誰恐是霍嫖姚

其三

古人重守邊。今人重高勲。豈知英雄主。出師亘  
長雲。六合已一家。四夷且孤軍。遂使貔虎士。奮  
身勇所聞。拔劍擊大荒。日收胡馬羣。誓開玄冥  
北。持以奉吾君。

其四

獻凱日繼踵。兩蕃靜無虞。漁陽豪俠地。擊鼓吹

笙竿雲帆轉遼海。粳稻來東吳。越羅與楚練。照  
耀與臺軀。主將位益崇。氣驕凌上都。邊人不敢  
議。議者死通衢。

其五

書圖

我本良家子。出師亦多門。將驕益愁思。身貴不  
足論。躍馬二十年。恐辜明主恩。坐見幽州騎。長  
驅河洛昏。中夜間道歸。故里但空村。惡名幸脫  
免。窮老無兒孫。

劉曰寫至退軍人  
則無餘矣

佐還山後寄

幾道泉澆圃。交橫落幔坡。葳蕤秋葉少。隱映野  
雲多。隔沼連香芰。通林帶女蘿。甚聞霜薤白。重  
惠意如何。

乾元中寓居同谷縣作歌七首

有客有客字子美。白頭亂髮垂過耳。歲拾橡栗  
隨狙公。天寒日暮山谷裏。中原無書歸不得。手  
脚凍皴皮肉死。嗚呼一歌兮。歌已哀。悲風爲我

揚百內典云。傳大  
士當侯景之亂。拾  
橡栗以活鄰里。

劉曰一歌喚子  
美二歌喚長饒  
豈不奇崛  
又曰色字下得  
好非必人人為  
我惆悵而有其  
色

從天來

其二

長饒長饒白木柄。我生託子以為命。黃精無苗  
山雪盛。短衣數挽不掩脛。此時與子空歸來。男  
呻女吟四壁靜。嗚呼二歌兮歌始放。閭里為我  
色惆悵。

其三

有弟有弟在遠方。三人各瘦何人強。生別展轉

不相見。胡塵暗。天道路長。東飛駕鵝。後鵝鵠安。  
得送我。置汝傍。嗚呼三歌。兮歌三發。汝歸何處。  
收兄骨。

其四

有妹有妹。在鍾離。良人早歿。諸孤癡。長淮浪高。  
蛟龍怒。十年不見。來何時。扁舟欲往。箭滿眼。杳。  
杳南國多旌旂。嗚呼四歌。兮歌四奏。竹林猿爲。  
我啼。清晝。

其五

四山多風溪水急寒雨颯颯枯樹濕黃蒿古城  
雲不開白狐跳梁黃狐立我生胡為在窮谷中  
夜起坐萬感集嗚呼五歌兮歌正長魂招不來  
歸故鄉

其六

南有龍兮在山湫古木巖從枝相樛木葉黃落  
龍正蟄蝮蛇東來水上遊我行怪此安敢出扳

劉曰獨此歌迴  
春姿者願車駕

反正之辭也心  
所同然于載如  
對

劍欲斬且復休嗚呼六歌兮歌思遲溪壑為我  
迴春姿

○其七

男兒生不成名身已老三年饑走荒山道長安  
卿相多少年富貴應須致身早山中儒生舊相  
識但話宿昔傷懷抱嗚呼七歌兮悄終曲仰視  
皇天白日速

成都府

浙

館



劉曰起十字盡  
興故接得荏弱

翳翳桑榆日照我征衣裳。我行山川異，忽在天  
一方。但逢新人民，未卜見故鄉。大江東流去，遊  
子去日長。曾城填華屋，季冬樹木蒼。喧然名都  
會，吹簫間笙簧。信美無與適，側身望川梁。烏雀  
夜各歸，中原杳茫茫。初月出不高，衆星尚爭光。  
自古有羈旅，我何苦哀傷。

○奉酬李都督表文早春作

力疾坐清曉，來詩悲早春。轉添愁伴客，更覺老

有情情已略盡  
散入景更長

劉曰極無可奈  
何之意

隨人紅入桃花嫩。青歸柳葉新。望鄉猶未已。四海尚風塵。

狂夫

萬里橋西一草堂。百花潭水即滄浪。風含翠篠娟娟靜。雨裊紅蕖冉冉香。厚祿故人書斷絕。恒飢稚子色淒涼。欲填溝壑唯踈放。自笑狂夫老更狂。

丈人山

浙 五 圖 書 館

劉曰磊々落落  
揚曰智度論云若  
入寺時當歌頌贊  
歎不唾僧地

揚曰其佳示人曰  
夕法已非疎夢啼  
大教唯當夜枕  
過此無人覺  
本作競又作執誤  
矣  
又曰荆公語錄老  
杜云無人覺來往  
下得覺字大好

自為青城客。不唾青城地。為愛丈人山。丹梯近  
幽意。丈人祠。西佳氣。濃綠雲。擬住最高峯。掃除  
白髮黃精在。君看他時冰雪容。

西郊



時出碧雞坊。西郊向草堂。市橋官柳細。江路野  
梅香。傍架齊書帙。看題減藥囊。無人覺來往。疎  
懶意何長。

和裴迪登蜀州東亭送客逢早梅相憶見

劉曰亦宛妥沉着

寄

東閣官梅動詩興。還如何遜在揚州。此時對雪  
遙相憶。送客逢春可自由。幸不折來傷歲暮。若  
爲看去亂鄉愁。江邊一樹垂垂發。朝夕催人自  
白頭。

○漫成

野日荒荒白。春流泯泯清。渚蒲隨地有。村逕逐  
門成。只作披衣慣。常從漉酒生。眼邊無俗物。多

劉云兩語皆傷心  
荒尤警泯泯畧  
蘇  
揚曰慎學侍先師  
正公側舉須後

此評先生云荒  
無色也。泯之無聲  
也。二句之妙在疊  
字。而其四字雖  
宋後生不能易也。  
畧稱之評未當。

病也身輕。



浙江圖書館

S. P. 1184

4000

4.3



浙江圖書館













浙江圖書館



浙江圖書館




colorchecker CLASSIC



x-rite



colorchecker CLASSIC



write

http://www.munsellcolorservices.com